

**BOSNA I HERCEGOVINA**  
**FEDERACIJA BOSNE I HERCEGOVINE**  
**SREDNJOBOSANSKI KANTON**  
**TUŽILAŠTVO SREDNJOBOSANSKOG KANTONA**  
**Broj: T06 0 KT 0034949 24**  
**Travnik, 27.02.2025. godine**

**OPĆINSKOM SUDU TRAVNIK**  
**Sudcu za prethodno saslušanje**

Na osnovu odredbe članka 45. stav 2. točka i.), član 241. stav 1. Zakona o kaznenom postupku Federacije Bosne i Hercegovine, podižem

**OPTUŽNICU**

**Potvrđena dana: 28.02.2025. godine**

**Protiv:**

- 1. S.S.**
- 2. A.H.**

**Što su:**

- 1. S. S.** dana 13.09.2023. godine u ulici Vezirska, općina Travnik, u namjeri pribavljanja protupravne imovinske koristi, oduzeo i prisvojio pmv Ford Mondeo vlasništvo R. S., tako što je došao do zgrade gdje stanuje oštećena i sa mjesta gdje je vozilo bilo parkirano upotrebom ključa koji je od ranije imao kod sebe ušao u unutrašnjost i pokrenuo vozilo, a zatim se vozilom udaljio sa lica mjesta, svjestan da na taj način oduzima i prisvaja tuđu pokretnu stvar i htijući to, nakon čega je navedeno vozilo prodao A. H. za iznos od 2000,00 KM za koji iznos je sebi pribavio protupravnu imovinsku korist i na taj način R.S. pričinio štetu u neutvrđenom iznosu.
- 2. A.H.** dana 29.09.2023. godine na području općine Travnik izradio lažnu ispravu i upotrijebio kao pravu te doveo u zabludu nadležni organ da u javnoj knjizi ovjeri štogod neistinito što treba da služi kao dokaz u pravnom prometu, tako što je na ugovor o komisionoj prodaji motornih vozila broj: 033856 sačinjen na njegov zahtjev od službenik firme CIPKOPROM d.o.o. Travnik Zlotrg Senada potpisao ime i prezime oštećene R. S. na mjestu označenom „komitent“ bez znanja i ovlaštenja R. S., iako je bio svjestan i znao da nema ovlaštenje oštećene da u njezino ime potpiše ugovor, a zatim takav ugovor posredstvom firme CIPKOPROM d.o.o. Travnik predao Policijskoj stanci Vitez radi prijenosa prava vlasništva i registracije vozila Ford Mondeo na lice V. L. zbog čega je Policijska stanica Vitez vjerujući da su ugovorne strane potpisale ugovor izvršila upis u javne knjige komisioni ugovor o prodaji motornog vozila broj: 033856 i nakon provedene zakonske procedure izdala potvrdu o vlasništvu vozila Fod Mondeo i potvrdu o registraciji vozila na ime V. L., svjestan da je na taj način doveo u zabludu nadležni organ da se radi o istinitim ispravama koje trebaju da služe kao dokaz u pravnom prometu i htijući to.

Čime je počinio S. S. kazneno djelo Teška krađa iz članka 287. stavak 1. točka a) KZ F BiH, a A.H. kazneno djelo Krivotvorenje isprave iz članka 373. stav 1. i kazneno djelo Ovjeravanje neistinitog sadržaja iz članka 375. stav 1. KZ F BiH, sve u vezi sa člankom 54. istog zakona.

Na osnovu člana 115. stav 1. KZ F BiH u vezi sa članom 10. Zakona o oduzimanju nezakonito stečene imovine kaznenim djelom FBIH, predlažem da se osumnjičeni S.S. obaveže na isplatu novčanog iznosa s razmjernog pribavljenoj imovinske koristi u iznosu od 2.000,00 KM.

**Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom**